

## Morning Dogri (NSD) National News Bulletin 16-11-2024

### आकाशवाणी

खबरां नाट्यपाल सिंह कोला ।

1. प्रधानमंत्री नरेन्द्र मोदी होर अज्जै थमां नाइजीरिया, ब्राजील ते गुयाना दे 6एं दिनें दे दौरे पर जा'रदे न ।
2. उत्तर प्रदेश दी झांसी थाहर महारानी लक्ष्मी बाई मैडिकल कालेज च अग्गे लगने करी 10 नवजात शिशुएं दी मौत होई गई ।
3. झारखंड ते महाराष्ट्र च होआ'रदे असैंबली चुनाएं लेई चुनां प्रचार पूरे जोरें नै चला'रदा ऐ ।
4. गृहमंत्री अमित शाह होरें गुजरात च अंतर्राष्ट्रीय नशा तस्करी गिरोह दा भांडा फोड़ने ते 700 किलो प्रतिबंधत मैथमफेटामाइन जब्त करने पर सुरक्षा अजेंसिएं दी सराहना कीती ।
5. जोहान्सबर्ग च जंदी रातीं खेड़डे गेदे चौथे ते खीरी टी-20 अंतर्राष्ट्रीय क्रिकेट मैच च भारत नै दक्खन अफ्रीका गी 135 रंजें कन्नै हराई दित्ता ।

<><><><><><>

### PM-Modi

प्रधानमंत्री नरेन्द्र मोदी होरें अज्जै थमां नाइजीरिया, ब्राजील ते गुआना दी 6एं दिनें दी यात्रा पर जा'रदे न । अपनी यात्रा दे पैहले गेड़ च श्री मोदी नाइजीरिया दे राष्ट्रपति बोला अहमद दीनुबू हुंदे साददे पर नाइजीरिया पुज्जगंन । पिछले 17एं ब'रे च कुसै भारती प्रधानमंत्री हुंदा नाइजीरिया दा एह पैहला दौरा होग । दऊं दिनें दे इस दौरे दरान श्री मोदी होर नाइजीरिया दे बड़डे नेताएं कन्नै दपक्खी सरबंधें गी अग्गे बधाने दे तौर तरीके पर चर्चा करगंन । इस यात्रा दरान ओह नाइजीरिया च भारती समुदाय दे लोकें गी संबोधत बी करगंन । भारत ते नाइजीरिया ब8रे 2007 थमां रणनीतिक भ्याल न ते दौनें मुख्खें बश्कार आर्थिक, ऊर्जा ते रक्षा खेत्तर च सैहयोग बधै करदा ऐ । 200 थमां मती भारती कंपनिएं नाइजीरिया च महत्वपूर्ण खेत्तरें च 27 अरब डॉलरें शा मते दी रास-पूजी लाई दी ऐ । नाइजीरिया दी यात्रा परेंत प्रधानमंत्री होर जी-20 शिखर सम्मेलन च हिस्सा लैने लेई ब्राजील दे रियो दी जनेरियो

पुज्जगनं। ब्राजील दे राष्ट्रपति जूइस इनासियो लूला दा सिल्वा 18 ते 19 नवम्बर गी जी-20 शिखर सम्मेलन दी मेजबानी करगनं। शिखर सम्मेलन दे दरान प्रधानमंत्री होर आलमी सतह दे बक्ख-बक्ख मुद्दें पर भारत दा नजरिया सांझा करगनं ते कन्नै नमीं दिल्ली धोशणा पत्र ते अफ्रीका, एशिया ते लातिन अमरीका दे गरीब ते विकासशील देसैं कन्नै जुड़े दे वाइस ऑफ द ग्लोबल साउथ शिखर सम्मेलन दे नतीजें थमां बी अवगत करोआंगन। हाल दे ब'रे च भारत नै इनें शिखर सम्मेलनें दी मेजबानी कीती ऐ। जी-20 शिखर सम्मेलन थमां बक्ख-बाहरें श्री मोदी होर दुनिया दे केई नेताएं कन्नै मलाटी करगनं। अपनी यात्रा दे त्रीए गेड़ च प्रधानमंत्री मोदी होर 19 थमां 21 नवम्बर तगर गुयाना दे सरकारी दौरे पर रौंहगन। 1968 दे बाद कुसै भारती प्रधानमंत्री दी एह गुयाना दी पैहली यात्रा होग। पिछले ब'रे गुयाना दे राष्ट्रपति डॉ. मोहम्मद इरफान अली भारत दी यात्रा पर आए हे। ओह मध्यप्रदेश दे इंदौर च आयोजित 17में प्रवासी भारती दिवस दे मुख्ख परौहने हे। उनेंगी प्रवासी भारती पुरस्कार कन्नै सम्मानित बी कीता गेआ हा। यात्रा दे दरान प्रधानमंत्री मोदी होर गुयाना दे राष्ट्रपति हुंदे नै गल्लबात करगनं ते होरने नेताएं कन्नै बी मलाटी लांगन। श्री मोदी होर गुयाना दी संसद गी बी, संबोधत करगनं। एहदे अलावा ओह उत्थें बसे दे भारती समुदाय गी बी संबोधत करगनं।

<><><><><><><><>

UP

उत्तर प्रदेश दी झांसी थाहर महारानी लक्ष्मीबाई मैडिकल कालेज दे निको वार्ड च अगग लगने करी 10 नवजात बच्चें दी मौत होई गई। पत्रकारें कन्नै गल्लबात करदे होई जिला मैजिस्ट्रेट अविनाथ कुमार होरें आखेआ जे अगग रातीं पौने 11 बजे दे कालेज कच्छ लगगी। कानपुर जोन दे एडीजीपी ओलाक सिंह होर मौके पर पुज्जे ते बचाह कार्य दा निरीक्षण कीता। उनें आखेआ ते अगग शार्ट सर्कट होने कारण लगगी। उनें जानकारी दित्ती जे अगगे लगने दे समे निको वार्ड च 47 नवजात शिशु हे जेहदे चा ज्यादातर गी बचाई लैता गेआ। उपमुख्यमंत्री ब्रजेश पाठक होरें गी मैडिकल कालेज दा दौरा लाया। मगरा पत्रकारें कन्नै गल्लबात करदे होई उनें दुघर्टना गी मंदे भागें आली करार दित्ता। उनें घटना दी जांचकराने दा भरोसा दित्ता। उनें आखेआ जे घटना दी त्रऊं स्तरें पर जांच कीती जाग जेहदे च सेहत मैहकमा, पुलस ते जिला मैजिस्ट्रेट अपने अपने स्तर उप्पर जांच करगनं ते घटना दी जिम्मेदारी तैह कीती जाग।

<><><><><><><><>

## Maharashtra-Jharkand

महाराष्ट्र ते झारखंड च असेंबली चुनाएं गी दिक्खदे होई बक्ख-बक्ख सियासी पार्टियां जोरें-शोरें प्रचार करै करदियां न। महाराष्ट्र च प्रधानमंत्री नरेन्द्र मोदी होर अज्ज “मेरा बूथ सबसे मजबूत” कार्यक्रमें गी संबोधत करगंन। एहदे अलावा बीजेपी दे वरिष्ठ नेता ते केन्द्री मंत्री नितिन गडकरी होर महाराष्ट्र च इक्कै गेड़ च होने आले असेंबली चुनाएं लेई सेलापुर, पुणे ते संगाली च प्रचार लेई जा करदे न। बीजेपी दे नेता ते महाराष्ट्र दे उपमुख्यमंत्री देवेन्द्र फडनवीस होर गढचिरौली, चन्द्रपुर, मुंबई ते पुणे च प्रचार करगंन। कांग्रेस नेता राहुल गांधी अज्ज दऊं रैलिएं गी संबोधत करगंन जदके प्रियंका गांधी होर त्रै रैलिएं गी संबोधत करगंन। एनसीपी दे प्रमुख अजीत पवार सोलापुर, पुणे ते नासिक च प्रचार करगंन। उत्थें गै एनसीपी शरद पवार गुट दे प्रमुख शरद पवार होर सतारा ते रायगढ़ च प्रचार करगंन। शिवसेना यूबीटी दे प्रमुख उद्धव ठाकरे होर मुंबई ते ठाणे च प्रचार लेई जांगन। महाराष्ट्र दिएं सब्बने 288 सीटें लेई औंदी 20 तरीक मतदान होना ऐ। तोआई झारखंड च एनडीए ते इंडी गठबंधन दे बड्डे नेता अपने अपने मेदवारें दे पक्ख च जोरें-शोरें प्रचार करै करदे न। बीजेपी दे वरिष्ठ नेता ते गृहमंत्री अमित शाह होर दुमका, देवघर ते थनवार च जनसभां करगंन। दूर्ई बक्खी कांग्रेस पार्टी दे प्रधान मलिककार्जुन खरगे जामताड़ा ते खिजरी च चुनावी रैलियां करगंन। झारखंड मुक्ति मोर्चा दे वरिष्ठ नेता ते रात्य दे मुख्यमंत्री हेमंत सोरेन पूरे राज्य च अज्ज 6 रैलियां करगंन। राश्ट्री जनता दल दे नेता तेजस्वी यादव होर गोडा च जनसभा करगंन। झारखंड दे दुए ते खीरले गेड़ तैहत 38 सीटें लेई 20 नवम्बर गी मतदान होग।

<><><><><><>

## Gujrat Drugs

नशीले पदार्थ पर नियंत्रण सरबंधी ब्यूरो, भारतीय नोसेना ते एटीएस गुजरात पुलस नै इक सांझी कारवाई दरान गुजरात च अंतराश्ट्रीय नशा तस्करी गिरोह दा भांडा फोड़ कीता ऐ। इक सोशल मीडिया पोस्ट च गृहमंत्री अमित शाह होरें आखेआ जे सुरक्षा अजेंसिएं 700 किलो प्रतिबंधत मैथम फेटामाइन जब्त कीता ऐ। उनें आखेआ जे सुरक्षा अजेंसिएं दी एह कारवाई नशा मुक्त भारत प्रति सरकार दी प्रतिबद्धता गी दर्शादी ऐ। उनें इस बड्डी कारवाई लेई सुरक्षा अजेंसिएं दी सराहना कीती।

<><><><><><>

## National Press Day

अज्ज मुख् बरै च राश्ट्री प्रेस दिवस मनाया जा'रदा ऐ। समाज ख आजाद ते जोआबदेह प्रेस दी महत्वपूर्ण भूमका दे सम्मान च एह् ध्याड़ा हर ब'रे 16 नवम्बर गी मनाया जंदा ऐ। 1966 च अल्लै दे गै दिन भारती प्रेस परिषद नै कम्म करना शुरू कीता हा। एह् ध्याड़ा नां छड़ा प्रेस दिएं उपलब्धिएं गी दर्शांदा ऐ सगुआं पारदर्शी ते शिक्षित समाज दे निर्माण च एह्दी जिम्मेदारी गी बी बधांदा ऐ। इस मौके पर बक्ख-बक्ख कार्यक्रमें दे आयोजन दे कन्नै पत्रकारिता दे खेत्तर च उत्कृष्टता पुरस्कार भेंट कीते जंदे न। सूचना ते प्रसारण मंत्री अश्विनी वैष्णव होर अज्ज इस मौके पर नमीं दिल्ली च इक समारोह गी संबोधत करगंन।

<><><><><><>

## Cricket

क्रिकेट च कल जोहान्सबर्ग च खेड्डे गेदे चौथे ते खीरी टी-20 मैच च भारत नै दक्खन अफ्रीका गी 135 रंजें कन्नै हराई दित्ता। एह्दे कन्नै गै भारत नै चरुं मैचें दी श्रृंखला 3-1 कन्नै जित्ती लैती। पैहले बज्जेबाजी करदे होई 20एं ओवरें च 283 रंज बनाए। संजू सैमसन नै 109 जदके तिलक वर्मा नै 120 रंजें दी पारी खेड्डी। लक्ष्य दा पिच्छा करदे होई दक्खन अफ्रीका दी टीम 18.2 ओवरें च 148 रंजें पर आउट होई गई।

<><><><><><>

## Hockey

हॉकी च महिला एशिया चैंपियन ट्रॉफी च अज्ज भारत दा मकाबला चीन कन्नै होग। मैच भारतीय समें मूजब पौने 5 बजे शुरू होग। भारत नै पिछले मैच च थाईलैंड गी 13-0 कन्ने हराया जदके चीन नै जापान गी 2-1 कन्नै मात दित्ती। दौनें टीमां प्रतियोगिता च अजें तोड़ी कोई बी मैच नेई हारियां ऐन।

<><><><><><>